

ხელშეკრულება N
სახელმწიფო შესყიდვების შესახებ
(პროექტი)

ქ. ოზურგეთი

----- 2020 წელი

ერთი მხრივ, ოზურგეთის მუნიციპალიტეტი, წარმოდგენილი მერის, კონსტანტინე შარაშენიძის სახით (შემდგომში - შემსყიდველი),

მისამართი: ქ. ოზურგეთი, კოსტავას ქ. N1

საიდენტიფიკაციო კოდი: № 237114635

ტელეფონის ნომერი: 0(496) 27 10 10; 577 477 317

საბანკო რეკვიზიტები: სახელმწიფო ხაზინა

ბანკის კოდი: TRESGE22

და მეორე მხრივ, ----- (შემდგომში - მიმწოდებელი),

მისამართი:

საიდენტიფიკაციო კოდი:

ტელეფონის ნომერი:

საბანკო რეკვიზიტები:

ბანკის კოდი:

ანგარიშის ნომერი:

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“,

„სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT-----) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

მუხლი 1. ხელშეკრულების საგანი

1.1. ხელშეკრულების საგანია ერთი ერთეული ბორბლიანი ექსკავატორისა და ერთი ერთეული JCB 4CX-ზე თავსებადი დამატებითი მოწყობილობა - მულჩერის (CPV კოდი: 43200000) მოწოდება.

1.2. მოსაწოდებელი საქონლის ტექნიკური მონაცემები და ერთეულის ფასი განისაზღვრება მიმწოდებლის მიერ წარმოდგენილი ფასების ცხრილის (დანართი N1) მიხედვით, რომელიც წარმოადგენს ხელშეკრულების განუყოფელ ნაწილს.

1.3. ტექნიკას თან უნდა ახლდეს ექსპლუატაციის სახელმძღვანელო, ერთი ერთეული ცეცხლმაქრი და 1 ერთეული სააფთიაქო ყუთი.

მუხლი 2. ხელშეკრულების ღირებულება

2.1. შესასყიდი ობიექტის ფასი განისაზღვრება ეროვნულ ვალუტაში;

2.2. საქონლის ღირებულება შეადგენს ----- (-----) ლარს (შემდგომში „ხელშეკრულების ღირებულება“).

2.3. ხელშეკრულების ღირებულება მოიცავს საქართველოს კანონდებლობით განსაზღვრული ყველა სახის გადასახადს, მოსაკრებლის ჩათვლით, მათ შორის განბაჟებისა და სახელმწიფო რეგისტრაციის (შემსყიდველზე გადაფორმების) ასევე საგარანტიო პერიოდში გაწეული ხარჯებისა და მიწოდების ადგილზე ტრანსპორტირების ჩათვლით.

მუხლი 3. საგარანტიო ვადა და პირობები

3.1. საგარანტიო ვადა ტექნიკის ექსპლუატაციის ნორმების დაცვის შემთხვევაში შეადგენს მიღება-ჩაბარების აქტის გაფორმებიდან 1 (ერთი) წელს, ან 2 500 მოტო საათს, რომელიც უფრო ადრე დადგება.

3.2. გარანტია ვრცელდება მინიმუმ ძრავაზე, სიჩქარეთა გადაცემის კოლოფზე და წამყვანი ღერძის რედუქტორზე და ელექტრომოწყობილობაზე.

3.3. საგარანტიო პერიოდის განმავლობაში მიმწოდებელი შეაკეთებს ან შეცვლის ნებისმიერ ნაწილსა თუ ნაწილებს, რომლებიც შემსყიდველისაგან წერილობითი შეტყობინების მიღების შემდეგ ინსპექტირებისა და დეფექტური აქტის შედგენის შედეგად მატერიალური ან ქარხნული დეფექტის მქონედ იქნება მიჩნეული.

3.4. მიმწოდებელი ვალდებულია საქარხნო დეფექტის აღმოჩენის შემთხვევაში, შეტყობინების მიღებიდან

არაუგვიანეს 10 დღეში განახორციელოს ხარვეზის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

3.5. შემსყიდველი ვალდებულია იხელმძღვანელოს ქარხანა-მწარმოებლის მიერ გამოცემული შესაბამისი ტექნიკის საექსპლუატაციო სახელმძღვანელოს შესაბამისად და საგარანტიო პერიოდში მოახდინოს ტექნიკისათვის საპოხი მასალების და ფილტრების შეცვლა სახელმძღვანელოს რეგლამენტით განსაზღვრული ვადების გათვალისწინებით. რეგლამენტით გათვალისწინებული საპოხი მასალების და ფილტრების შეცვლის ვადების დადგომის მომენტისათვის შემსყიდველი წერილობით აცნობებს მიმწოდებელს. მიმწოდებელი ვალდებულია შეტყობინების მიღებიდან არაუგვიანეს 2 დღის ვადაში მოავლინოს მისი წარმომადგენელი შემოწმებაზე დასასწრებად. შემსყიდველი თვითონ უზრუნველყოფს ქარხანა-მწარმოებლის ტექნიკის საექსპლუატაციო სახელმძღვანელოს რეგლამენტით განსაზღვრული სტანდარტების შესაბამისი საპოხი მასალების და მაღალი ხარისხის ფილტრების შეძენას და შეცვლას, რაზედაც შედგება მიმწოდებლის და შემსყიდველის ერთობლივი აქტი. წერილით განსაზღვრულ ვადაში მიმწოდებლის მიერ უფლებამოსილი პირის შემოწმებაში მონაწილეობის მიუღებლობის შემთხვევაში, შემსყიდველი ადგილზე კომისიურად ადგენს აქტს და ამ შემთხვევაში მიმწოდებელს პრეტენზია არ უნდა აქტში დაფიქსირებულ შედეგზე.

3.6. მიმწოდებლის წარმომადგენლის შემოწმების პროცედურებში მიღების შემთხვევაში შემსყიდველი არ არის ვალდებული აანაზღაუროს მისი მივლინების ან/და შემოწმებასთან დაკავშირებული სხვა ხარჯები.

3.7. გარანტია არ ვრცელდება ისეთი სახის დაზიანებებზე, რომლებიც გამოწვეულია ცვეთით, ხეხვით, არასწორი ექსპლუატაციით, ოპერატორის უყურადღებობით, ტექნიკის კონსტრუქციაში თვითნებური ცვლილებებით, ავტოსაგზაო შემთხვევით, ხანძრით, ყინვით ან სხვა ბუნებრივი პირობების ზემოქმედებით, ასევე იმ შემთხვევაში, თუ ავტომანქანაზე გამოყენებული იქნება ისეთი საპოხ-საცხები მასალა ან სათადარიგო ნაწილი, რომელიც რეკომენდირებული არ შეესაბამება ქარხანა-მწარმოებლის განსაზღვრულ სტანდარტებს.

მუხლი 4. შესასყიდი ობიექტის მიღება-ჩაბარების წესი

4.1. საქონლის მიღება-ჩაბარებას ახორციელებს ოზურგეთის მუნიციპალიტეტის მერიის ინსპექტირების ჯგუფი;

4.2. შესყიდვის ობიექტის მიღება-ჩაბარება ხორციელდება ოზურგეთის მუნიციპალიტეტის მერიის ინსპექტირების ჯგუფის მიერ 4.6. პუნქტით განსაზღვრული დადებითი დასკვნის საფუძველზე გაფორმებული მიღება-ჩაბარების აქტის თანახმად. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საანგარიშსწორებო დოკუმენტაცია.

4.3. მიწოდების ადგილია - ქ. ოზურგეთი, მ. კოსტავას ქ. N1;

4.4. იმ შემთხვევაში თუ, მიწოდებული საქონელი შეესაბამება ხელშეკრულების დანართით 1 (ფასების ცხრილი) და სატენდერო დოკუმენტაციის ტექნიკურ დავალებაში გათვალისწინებულ მოთხოვნებს, მიღება-ჩაბარებაზე განსაზღვრული უფლებამოსილი ოზურგეთის მუნიციპალიტეტის მერიის ინსპექტირების ჯგუფი მიღება-ჩაბარების აქტის საფუძველზე ახორციელებს საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულების პირობებს, წარმოდგენილი იქნება შესაბამისი ინსპექტირების აქტი. დეფექტის ან/და ხარვეზის გამოვლენის შემთხვევაში შემსყიდველს უფლება აქვს არ მიიღოს საქონელი და დაუბრუნოს იგი მიმწოდებელს მიმწოდებლის ხარჯით.

4.5. მიმწოდებელი ვალდებულია განაბაჟოს და გადაუფორმოს შემსყიდველს მოწოდებული საქონელი საკუთარი ხარჯებით.

4.6. მიღება-ჩაბარების აქტის გაფორმებისას მიმწოდებელმა უნდა წარმოადგინოს შემოთავაზებულ ექსკავატორ-დამტვირთველზე, ლ. სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული ექსპერტის მიერ გაცემული დადებითი დასკვნა, რომელიც უნდა ადასტურებდეს პრეტენდენტის მიერ წარმოდგენილი ექსკავატორ-დამტვირთველის ტექნიკური მახასიათებლების შესაბამისობას სატენდერო დოკუმენტაციით გათვალისწინებულ მოთხოვნებთან.

მუხლი 5. ანგარიშსწორება

5.1. მიმწოდებელთან ანგარიშსწორება განხორციელდება უნაღდო ანგარიშსწორების წესით, ეროვნულ ვალუტაში.

5.2. ანგარიშსწორება განხორციელდება მიმწოდებლის მიერ საქონლის სრულად მოწოდების შემდეგ, სასაქონლო ზედნადების, ანგარიშფაქტურის წარმოდგენიდან და მიღება-ჩაბარების აქტის გაფორმებიდან არაუმეტეს 10 (ათი) სამუშაო დღის განმავლობაში;

5.3. მიმწოდებლის მოთხოვნის შემთხვევაში შემსყიდველის მიერ მიმწოდებელთან ანგარიშსწორება შესაძლებელია განხორციელდეს წინასწარი გადახდით (ავანსით) ხელშეკრულების საერთო ღირებულების 50%-ის ფარგლებში, რაზეც წარმოდგენილი უნდა იქნას უპირობო და გამოუთხოვადი საბანკო გარანტია, წინასწარ (ავანსად) გადასახდელი თანხის ოდენობით.

5.4. საბანკო გარანტიის მოქმედების ვადა 60 კალენდარული დღით უნდა აღემატებოდეს შესყიდვის ობიექტის საბოლოო მიწოდების ვადას.

5.5. უპირობო, გამოუთხოვადი საავანსო გარანტია წარმოდგენილი უნდა იქნას საქართველოს ეროვნული ბანკის

მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

მუხლი 6. ხელშეკრულების შესრულების გარანტია

- 6.1. მიმწოდებელმა უნდა წარმოადგინოს საქართველოს ეროვნული ბანკის მიერ ლიცენზირებული საბანკო დაწესებულების მიერ გაცემული ხელშეკრულების შესრულების უზრუნველყოფის საბანკო/სადაზღვევო გარანტია ხელშეკრულების ჯამური ღირებულების 5%-ის ოდენობით (ღირებულების 20%-ით ან 20%-ზე მეტი კლების შემთხვევაში 10%), რომლის მოქმედების ვადა უნდა აღემატებოდეს ხელშეკრულების მოქმედების ვადას 30 კალენდარული დღით.
- 6.2. გარანტია უნდა იყოს უპირობო და შემსყიდველს უნდა აძლევდეს უფლებას გარანტიის გამცემი დაწესებულებისგან პირველი მოთხოვნისთანავე, ყოველგვარი დასაბუთების გარეშე, მიიღოს შესაბამისი თანხა.
- 6.3. მიმწოდებლის მიერ წარმოდგენილი, ხელშეკრულების შესრულების უზრუნველყოფის უპირობო საბანკო/სადაზღვევო გარანტია, გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენებისა და ხელშეკრულებით გათვალისწინებულ სხვა შემთხვევებში.
- 6.4. მიმწოდებლის მიერ ხელშეკრულების შეწყვეტის შემთხვევაში შემსყიდველს უფლება აქვს ამოქმედოს ხელშეკრულების შესრულების უზრუნველყოფის საბანკო გარანტია სრული ოდენობით.
- 6.5. მიმწოდებლის მიერ ხელშეკრულების შეუსრულებლობის ან არაჯეროვნად შესრულების გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, შემსყიდველი უფლებამოსილია ამოქმედოს ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო საბანკო გარანტია სრული ოდენობით. ამ შემთხვევაში საბანკო გარანტიის ამოქმედება მიმწოდებელს არ ათავისუფლებს შემსყიდველისთვის მიყენებული ზიანის ანაზღაურებისგან.
- 6.6. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, ან/და მიმწოდებლისაგან დამოუკიდებელი მიზეზების გამო (ფორს-მაჟორული გარემოებები) ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

მუხლი 7. პასუხისმგებლობა

- 7.1. ხელშეკრულების პირობების შეუსრულებლობის ან/და ხელშეკრულების შეწყვეტის შემთხვევაში მიმწოდებლის მიზეზით, იგი ვალდებულია შემსყიდველის გადაუხადოს პირგასამტეხლოს სახით ხელშეკრულების ღირებულების 10%, მოთხოვნიდან არაუგვიანეს 20 სამუშაო დღეში.
- 7.2. შემსყიდველი კისრულობს პასუხისმგებლობას ანგარიშსწორების ვადების დარღვევისათვის გადაუხადოს პირგასამტეხლოს სახით მიმწოდებელს სახელშეკრულებო ღირებულების 0,02% ყოველი ვადაგადაცილებული დღისათვის.
- 7.3. იმ შემთხვევაში, თუ მიმწოდებელი ხელშეკრულებით გათვალისწინებული საქონლის მიწოდების ვადას გადააცილებს, დაეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,02%-ის ოდენობით;

მუხლი 8. ფორს-მაჟორი

- 8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;
- 8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 9. ხელშეკრულების შეწყვეტა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.2. ხელშეკრულება შესაძლებელია შეწყდეს მხარეთა შეთანხმებით.

9.3. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

- ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს).
- ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);
- გ) მიმწოდებლის ქონებას დაედო ყადაღა;
- დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
- ე) ამოიწურა ხელშეკრულების გარანტიით განსაზღვრული თანხა და მიმწოდებელმა არ წარმოადგინა ახალი გარანტია.
- ვ) ხელშეკრულების 7.3 პუნქტით გათვალისწინებული პირგასამტეხლოს ჯამურმა თანხამ გადაჭარბა სახელშეკრულებო ღირებულების 0,4%-ს
- ზ) ხელშეკრულებით გათვალისწინებული შესყიდვის ობიექტის მოწოდების ვადები დაირღვა 20 კალენდარულ დღეზე მეტი ვადით.
- თ) ხელშეკრულების გაფორმების შემდეგ, შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება.
- ი) საქართველოს კანონმდებლობით განსაზღვრულ სხვა შემთხვევაში.

მუხლი 10. ინსპექტირება

10.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს ხელშეკრულების შესრულების ინსპექტირება.

10.2. მიმწოდებელი ვალდებულია საკუთარი ხარჯებით უზრუნველყოს შემსყიდველის კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

10.3. შემსყიდველს ან მის წარმომადგენელს უფლება აქვს ხელშეკრულების პირობების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულების მიმდინარეობაზე. ხელშეკრულების პირობების საერთო კონტროლი ევალუა ოზურგეთის მუნიციპალიტეტის მერიის ინსპექტირების ჯგუფს.

10.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 11. სხვა პირობები

11.1. წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

11.2. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

11.3. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

11.4. იმ შემთხვევაში, თუ რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

11.5. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.6. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.7. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის, ფაქსის სახით ან ელექტრონული ფოსტით (სკანირებული PDF ფორმატში) ორიგინალის შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.

11.8. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

11.9. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების

გზით; იმ შემთხვევაში, თუ შემსყიდველი და მიმწოდებელი მოლაპარაკების დაწყებიდან 10 დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

11.10. რეკვიზიტები, ხარჯთაღრიცხვა, საგარანტიო უზრუნველყოფა, საგარანტიო პირობები და სხვა დოკუმენტაცია თან ერთვის და წარმოადგენს წინამდებარე ხელშეკრულების განუყოფელ ნაწილს.

12. ინტერესთა კონფლიქტი

12.1. საქართველოს კანონის „სახელმწიფო შესყიდვების შესახებ“ მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმოწერი პირი სრულად აკმაყოფილებს კანონის ამ მოთხოვნას და არ იმყოფება ინტერესთა კონფლიქტში „მიმწოდებელთან“.

მუხლი 13. ხელშეკრულების მიწოდების და მოქმედების ვადა

13.1. საქონლის მიწოდების ვადა შეადგენს ხელშეკრულების გაფორმებიდან 3,5 თვეს, 20--- წლის ----- ჩათვლით, ხოლო ხელშეკრულების 6.4. პუნქტით მოთხოვნილი ექსპერტიზის დასკვნის წარმოდგენის ვადა - საქონლის მოწოდების დღიდან 30 კალენდარული დღე (არაუგვიანეს ----- ჩათვლით).

13.2. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან, მხარეთა მიერ ნაკისრი ვალდებულებების სრულ და ჯეროვან შესრულებამდე, ----- ჩათვლით.

ხელშეკრულებაზე შესრულებულია კვალიფიციური ელექტრონული ხელმოწერა ან/და დადასტურებულია კვალიფიციური ელექტრონული შტამპით.